

看命口訣
正成提要
玉井奧訣

三命通會

卷十

三命通會卷之十

育吾山人著

看命口訣

大凡看命先看月支有無財官方看其他。月令為命也。月取支神。年取天干。日取天干。月取支神。年取天干。日取天干。本日為主。如月有正官及偏官而時又入他格。只以月中取他格無用。如月令全無可取。取他格無用。如月令全無可混難詳。不曉憑誰是貴方。一任三宮皆帶格。除非只得用提綱是也。月令用地支。假如宮用提綱是也。月令用地支。假如或干透出支中不透。主人聰俊。忌年與時衝。月支日支自衝不妨。大運及歲君來衝月者衝不妨。大運及歲君來衝日駕厚純粹。剛直廉明。年時有印尤妙。多則反主成敗。四位純官。任官虛名。凡七煞一位。贈位純官。任官虛名。凡七煞一位。四位純煞。有制貴。無制貧。凡財一位。務要得時。富貴成家。為人性燥緊急。二位性氣減半。家為人性燥緊急。二位性氣減其則可成立。弱則勞苦生受。凡印不論一位二位四位都好。格中不宜見財破印。大凡行上有用神。得祖宗之力。時上禍輕行不好運。日干傷歲君干頭禍重。若已發過則死。辰戌丑未各有三分餘氣。如行午運至未。有三分火氣行子至丑。有三分水氣之例。不可全作上論。凡陽刃格歲運。最怕衝合太陽干。合日時干者為晦氣。日時干支與流年干支同為轉趾煞。如庚申日見庚申。或庚寅太歲之類。輕則遠遷。重則毀屋破財。凡年月日有吉神。要時引歸生旺之處。有凶神。要時引歸制伏之鄉。若時上帶吉神。或凶神。亦要年月日上吉者生之。凶者制之。月上有用神。得祖宗之力。時上有用神。得子孫之力。反此則否。

凡看命以日干用為天元。是以干為祿。日支月支用為地元。是以支為命。假如壬癸日巳未月。干支透出財官是也。財官論原有原無。地支原有財官。天干不露出者不問。若地支無財官。只是天干透出。雖行好運。亦不濟事。看流年歲君只用天元。若行運雖重。地支亦要看運。天元人命柱中。或有官星。或有偏官。有制伏太過。而運子見官煞。可發。運支無財。而運干是財。亦可為福。運支無煞。而運干是煞。亦可為禍。人命以當生之月為運元。最怕大運並歲君來衝為禍。以當生官星為祿元。最怕衝壞。如丁日生人。以壬為官。而生亥月。亥中有子。是丁之祿。若年與時有巳字。則衝壞祿元。以當生財星為馬元。最怕劫奪。如庚日生人。以甲乙木為財。而生寅卯月。寅中甲木偏財。卯中乙木正財。若年時有辛字。却有爭奪之患。歲運同論。凡年干上有日之官星。福氣最厚。有日之七煞。終身不可除去。官星為祿。財星為馬。行官星

發官行財星發財二者不可缺一各有所用。年月上有財官必生富貴之家。祖父根基少年便行官祿運多是幼年拜命早發功名。年月無財官日時有之則是自巳成立人命以財官為本柱中但得其一亦可發福。若四柱原無官星不入他格。年月日時干支財多又行財旺運亦能成就功名。以財旺自能生官。須身旺方許。年月無財官幼年又行不好運多是出身卑微。破祖傷父無見成之福。凡命官煞混雜傷官合神重。男子犯之耽迷酒色。女人逢之不媒自嫁。凡看命專以日干為主。取提綱所用之物為命。譬月令以金木水火土為用。但有一件取其節氣先後輕重淺深成局破衝細加考究。曰官曰印曰財曰煞曰食神曰傷官。以此六法消息之。逢官看財。逢財看印。逢印看官。取四者不偏不倚。生剋制化為上。遇破害休因為下。運有生有去為福。有助有剋為禍。亦有年日時支合成格局者。然皆以月令為用。假令月用金只用金用火只用火。十八格內取六格為重用相生定格合局。却用年日時下以推輕重淺深。如遇官用印不怕煞。是煞局印印局身。還作上局取之。逢印看煞。但有官煞在命行官煞鄉亦作貴論。月令遇官柱中遇財財旺生官乃富貴柱中見財要入財旺運發福。但見一煞則以煞為重。不可用財。若行財旺運乃財生煞黨作貧賤言。凡格以煞為重。

凡命先看干神有無剋制。支神有無刑衝。干支納音有無戰鬪降伏。如甲以寅為祿而寅上有何干。甲以辛為官而辛得何支。干不侵支則天乃尊。支不犯干則地乃卑。五行不相賊則人乃順。四孟不相害則馬乃能馳。若干侵支犯五行相賊又當分別。主本有氣無氣有用無用有救無救。成格不成格則干支錯綜五行變化造化在其中矣。李淳風云五行生旺觀福氣之往還五行死絕在吉神之救助若五行得地納音相生吉神無助亦榮五行無氣納音相妨縱有吉神不用。

凡命天元喜地元有祿。如甲巳喜四季乙庚喜申酉丙辛喜亥子丁壬喜寅卯戊癸喜巳午。地元喜天元有合。如子丑喜戌癸喜巳卯辰喜庚巳喜辛癸午未喜甲壬申喜乙酉戌喜丙亥喜丁。天元地元皆有年生福氣高崇皆無名利無成壞天元者三十歲以前名利難發。壞地元者四十歲福不如前。若天元秀氣生祿如癸得子甲得寅之例不貴即富。地元忌天元相剋如子丑怕巳寅怕庚卯辰怕辛巳怕甲壬午未怕乙癸申怕丙酉戌怕丁亥怕戊更看喜忌何如不可執定。

凡命取于支與納音同類。壬子壬午真木。巳酉巳卯真土。丙子丙午真水。戊子戊午真火。乙丑乙未庚辰庚戌真金。若乙酉日庚辰時為精金。丁巳日丙午時為精火。癸亥日壬子時為精水。巳丑日戊辰時為精土。甲寅日丁卯時為精木。以上遇者俱主富貴。若火人丙日辛時。辛日丙時。木人甲日巳時。巳日甲時。土人戊日癸時。癸日戊時。水人壬日丁時。丁日壬時。金人庚日乙時。乙日庚時。雖為五行真貴。重犯減福。

凡命取五行真氣交互。如辛亥金人得丁巳土。有丁壬合真水往來。有丙辛合真水往來。丁巳土人得癸亥水。有戊癸合真火往來。有丁壬合真木往來。如戊戌癸亥丁巳辛亥交互真氣。金乃宰相命也。戊午火得壬子木。中有丁壬真水。戊癸真火。丙申火得乙酉木。中有丙辛真水。乙庚真金。庚寅得巳卯土。中有申巳真土。乙庚真金。如庚寅巳卯庚寅巳卯交互金。乃兩府命也。

凡命先論化氣。考五運篇。以甲丙戊庚壬合五陰干為太過。乙丁己辛癸合五陽干為不及。太過不及之間。有權存焉。考天元變化。又分晝夜。如六甲日生用木。夜生化土。故六戊人得甲。取日生為鬼。夜生為官。用六乙日生用金。夜生用木。故六己人見之。日生為官。夜生為鬼。獨六己六庚不變。是以五陽干晝生為本體。夜生化者。五陰干夜生為本體。晝生化者。六般陽命。男犯祿鬼倒食。須取夜生。反凶作吉。呼鬼為官。倒食為喜神。却以日生為順。六般陰命。男犯祿鬼倒食。須取日生。反凶作吉。餘並同前。却以夜生為順。女人皆反此求之。此晝夜氣象。是陰陽配合。剛柔體用也。凡命五行。下生上曰助氣。主一生自享其福。上生下曰盜氣。主一生供人之福。上尅下曰順。主有威勢而昌。下尅上曰逆。主多沉滯而難發。死絕尤緊。生旺愈慢。四柱納音鬼多。主本當時。名曰官星乘旺。納音財多。主本無氣。名曰財多害身。

凡命五行。貴陰陽相等。如兩金見兩木。或兩火兩土兩水之類。各自成家方吉。若太過不及。如三水一木。一水三木等類。俱不為福。假令金人三金一木。金尅木為財。三金爭一木。是分擘其福。多主財物不遂。若一金三火。火多金少。煎熬太過。主一生不開。又如甲人逢三壬三巳。謂之三合三偶。主不吉。若逢兩巳兩庚。謂之重偶重傷。視三无凶。不貧即天餘以例推。

凡看命。傷官見官而早死。七煞見財天亡。財逢劫盡死。重財破印凶。水盛木流。終為外鬼。食神逢梟。死於牢獄。劫重見

財死然旺掛根休亡神七煞衝刑非徒流亦亡縲絏傷官羊刃重併雖全體而死血光財星見刃財散人亡生旺死於庫墓庫墓絕於生旺晚有吉運行凶運未入死卒何分有凶運來吉運未來發福曷論當究進氣退氣之由更審已發未發之義將來而速進功畢以先歸一生歲運皆凶年少早死未旬命星得地老壽彌高老怕生旺少嫌死絕羊刃逢生多惡死有根煞旺定凶終春旺火多宜西北庫是歸期夏榮金旺利東南鬼鄉壽地四刃星重死在正財之下一官貴淺終於陽刃之中四柱俱傷人自死金神入水溺為災羊刃倒戈無頭之鬼煞星疊刃半體之徒制伏中和煞極全而氣死生扶太過印更旺而身怒傷官入墓死晚局最宜觀陽生而陰死陰死而陽生煞逢三合太過必傾五行之內宜細消詳

凡看命五行太過不及固不為福中間亦微不同如水土不嫌死絕以盈天地間皆水土無分四時豈有死絕之理但辯輕重如點水滴聚土之中則乾撮土壅聚水之中則散當論多寡分重輕也金非土不生木非水不長故金木欲其生旺怕見死絕如金死則沉木死則灰與水土不同火藏於木宿於土故不欲旺旺則焚亦不欲死死則滅惟得其平則佳五行水土均賴凡木金火之命尤為要也

凡五行取象本象取本象如甲乙丙丁本火象之類化象取化象如戊癸丁壬亦本火象之類金木象不可見土謂土雜水混金自不清歲運遇土亦滯惟金水不雜生於秋月最貴如明神宗癸亥辛酉癸亥辛酉干支俱金水不雜水生金白金助水清二水二金成象所謂金白水清別無夾雜又合兩干不雜所以尊為天子如癸酉癸亥庚子辛巳金生水月金反泄氣沉於亥子之中所以不免水厄金土象不可見木謂木尅土則土不能生金不成象也土積成金土多金少其福厚實金重土輕福出艱辛金火象不可見水見水則火滅金沉不能成器金重金輕發遲益重金輕火重發早退速或主壽虧金木象不宜見火沾木畏金見火成秀死木得金方成造化金重木輕令人骨痛木重金輕主損錢財或肺疾相攻惟金木相宜則吉水木象秀而清高不可見卯巳以水死絕木火象秀而豐富不可見金以木受尅流年遇之俱火水火象成既濟最妙或未濟亦得不可見土火多性燥水多眼疾火怕死水怕浴入酉火死水浴主艱難而死歲運同此象日時忌之水木象不可見火土重水輕秀而不實水重土輕却有科名火土象不可見水火虛浮而不成物若同水流主汨沒如戊子戊午己丑己未丁巳丁亥丙辰丙戌丙丁與戊巳相夾乃木虛土聚李九萬以戊子

巳丑戊午巳未丙辰丁巳丙戌丁亥皆火土夾雜之象不可以連珠為貴。時上逢壬癸水土滯火滅平生寒薄。又云火見土則暗土土見火則虛土輕人重則燥巳卯日見丙寅時是也火輕土重不明丁酉日見戌申時是也如韓學士戊戌丁巳戊戌丁巳火土成象又為鳳凰干支格故貴。總云金水多清金土多厚以其相生金火多剛金水多正以其相尅火土多毒火木多聰火水多昧火金多烈木火文彩木水清奇木金方直木土毒害水火智慧水木智仁水金秀麗水土重濁各以五行之性推之。

凡命怕同類相破如巳未見甲辰甲辰見巳丑巳丑見甲戌甲戌見巳未凡在四衝之地納音同類逐兩位逆數之寅申巳亥子午卯酉亦以此取主平生不足多不成器。道經云井欄互破無藥可醫遇空亡庶幾歲運亦忌之

凡命主本逢歲運不可遇死地如丙寅火畏乙卯水辛巳金畏丁酉火甲申水畏巳卯土戊申土畏壬午木巳亥水畏甲子金與人生怕死同義主本生死同途則不忌。

凡命最怕鬼尅而鬼最毒如丙子水見庚子土丁丑水見辛丑土之類。墓中就位相尅所以最毒。有墓中鬼如壬辰水見丙辰土丙辰土見戊辰木之類。有隔壁鬼如庚子土見癸丑木之類。有空亡鬼如甲戌見甲申乙酉之類皆主為害。內墓鬼輕於窠鬼。壁鬼輕於墓鬼。空鬼輕於壁鬼。若木命人得火月金日時之類。有火尅金金不得傷木是禦鬼也。鬼不為害如水命人四柱有火土土尅水火又生土是助鬼也。其鬼尤凶于支通用納音最緊。禦鬼則立身於艱難助鬼則骨肉多生乎破闕。若鬼中有鬼謂之鬼嘯如土命人生木月金日時之類以木尅土金尅木根基旁弱則凶。主本強健不忌如一命巳未乙亥丙寅辛卯逢三合生更遇寅卯為巳入官鄉丙寅辛亥合太貴。泰已陰土逢乙木作鬼又遇卒作乙木之鬼變寅卯之官作巳土鬼在亥卯未三合位通是鬼尅犯鬼嘯也故主惡死。經曰五行切忌下賊上平生不足事相繁又曰鬼嘯分明格局惡更加刑煞禍不差縱使以前逢富貴定知日後厭年華

凡看命取胎生旺庫為四貴。死絕病敗為四忌。餘為四平。以太歲干為主配於五行取四貴四平四忌之位而分貴賤。遇貴多則貴遇賤多則賤。四貴之中又分四旺庫為上胎為次。若人命胎月日時遇三貴子皆有輔或正祿正官正印三公命也。帶正天乙如丑未生人月日時得甲戌庚之類帶本家祿如寅生人月日時帶甲之類謂之福會。或天乙貴合兩重者亦三公命也。三貴上帶上下合或一官一印及一正天乙或一位本家祿三兩位貴人合者宰輔命也。若日

時上遇兩貴而帶上件者亦然。若一位上遇災煞地煞亡劫羊刃等神，兼主兵權司馬節鉞之貴。若胎月生日與日上遇胎庫一貴，却帶正天乙上下合，或天乙貴合本家祿，正官正印，本家祿但有氣，或貴人上亦帶前件祿干者，亦宰輔九卿命也。若月在忌神而日遇貴，或日在忌神而時遇貴，不害為清華侍從之職。若日月俱在貴，而時遇忌神，此常調選人也。四忌主貧賤，亦有輕重死敗，絕為重病為輕。五行各三位，如寅午戌火丙丁人遇之為貴，與四貴三位同推。關胎貴一位，其王貴之福亦與四貴同。陽祿貴在臨官，陰祿貴在帝旺。若陽祿遇旺，陰祿遇官，雖為本位，其禍減半。若旺而無祿，如丙寅得戊午日時，更尅本命，又帶刑煞，主淫浪愚賤，有遇一兩位貴，却為凶煞刑害，破得深重，亦主無祿。沈芝云：五行以生旺為君，臨官為相，若納音是木，月日時遇寅卯兩位，金遇申酉，水遇亥子，火遇巳午，土遇辰戌丑未，皆以貴論。

凡看命分五行生旺死絕。如甲申丙寅巳亥辛巳戊申，皆五行自長生，不論四時，超然得自生之理，人命重之，敏快高明，貴者得之，其進以漸，富者得之，亦將回榮，而得其所，以生也。丙子戊午辛卯癸酉庚子，皆五行自旺，不待四時，而能自致其旺，福力奮發，無與比擬。癸未壬辰丙辰甲戌乙丑，皆五行自墓，乃歸根復命之時，凡庫之所在，必欲物聚之，則其庫克。如壬辰水欲得眾水交歸，然後為旺，更有金往來相生，當得重權，橫水制火，火制金，更天中臨之，是為負印不起，主貧賤。乙卯丁酉壬午甲子巳卯，此五行自死者也，生則勞，死則息，其理自然，不有死之地，其物無自而歸，所謂自死者，得其真歸之理焉。凡命遇此，類特高明，多慧少福，以靜默為體，而不利有為，以淡薄為事，而不利興起，惟可學道訪仙，超生死之門也。癸巳乙亥庚申壬寅丁巳，此五行自絕者也。天之道無可絕焉，干支通會，已絕則更生，凡遇此者，憂喜未定，如癸巳絕水得癸酉旺金扶之，是謂絕水逢生，尤為吉慶。凡命帶上死絕生旺庫墓等，不可就以所帶言之，須看月令以辨清濁。清者有制伏之謂，如水病見土則濁，却非土隄防，則不能止息，既止息，則清之自漸也。濁者無制伏之謂，如水多無土，則泛濫無歸，而水極生木，極則變，變則通也。蓋五行尚其變，而不尚其常，貴其隱而不貴其顯，死絕有救，則為還魂，多以貴論。生旺有尅，則為散氣，反主福淺。若夫彼我之相生，順則益本，逆則奪氣，彼此之相尅，順則勢強，逆則有傷。經云：以小凌大，自貽其害，以弱勝強，自損其殃。一水尅三火，是以弱勝強，以陰勝陽，雖缺不彰，以陽勝陰，為害不深。兩陽相梗，凶禍旋至，兩陰相敵，不安其處。如乙巳火尅壬申金，是以陰勝陽，壬申金尅己巳木，是以陽勝

陰陰陽有情故無大害。若丁卯見癸酉。是二陰相敵。戊午見甲子。是兩陽相拒。陽剛陰柔。必勝而後已。故禍太乙云。天地陰陽變化之機。未嘗不以陰召陽。陽召陰。則天地合正。五行氣融。若乃陽從乎陽。陰從乎陰。則陰陽偏出。動靜失序。所以禍福兩途。大抵陰陽偏出。造化不成五行。如火多金少。聚散不得成形。火少金多。既不能銷鑠。反有些烟滅之患。餘例推。

凡看命。先論五行體面局勢。然後參以喜忌好惡。旺相休囚。如金人得庚辛。或申酉為體面。得巳酉丑三合為局勢。喜火制土扶。忌金寒水冷。生三秋四季為旺相。春夏為休囚。餘木火水土。以例推之。金人遇庚申辛酉為五離煞。若生秋月逢水則化金之毒。為金白水清。造化逢火則制金之剛。為煅成鋒利之器。柱無火無水。是謂頹金。主早年酒色癆痢身死。若得戊寅日時。剛處逢生。主富而壽。木人得土。則根荏而成就栽培得水。則枝葉煩以條暢。得金斲削便成材也。木逢寅卯。更在春生最吉。若三合會木局全。不須春生。多主仁壽。木逢金制。金煅火伏。則剛柔相制。若火太多則焚。金太多則損。土虛則不能培。水泛則不能潤。妙在得其中。和水人以亥子為源。以寅卯辰巳為納干。源自北。萬派朝宗。故水人喜逢東方。則浪息波平。水賴土防。若生亥子。土多則吉。既在東方。逢土亦吉。不宜土多。更有貴人財祿則貴。若日時遇庚寅辛酉。水忌西流。恐壽不高。生於秋冬。生旺清澄。壬癸此時面逢亥子。主有文學。納音更水。則水太過。柱無土。隄乃少子之斷。惟藝術空門則吉。更隔角重逢。定主刑尅。春月乾渴而潤。夏月渾濁而泛。柱無水助。則不貴。火居寅卯。生於春月。木秀火明。榮華富貴。生於夏月。列太炎。柱中無水。定天有水。早貴。生於秋月。火死金成。藏光內照。時日微逢旺氣。則吉。蓋水火不嫌死絕。只宜恬淡為福。生於冬月。柱中再得火助。則潛消霜雪。溫暖山河。古人云。冬日可愛。夏日可畏。此之謂也。土逢四季全上貴。如納音金土。柱中更得寅字。為艮山亦貴。土能厚載。萬物資生。金木水火皆不可缺。故此四行咸賴之也。夫論五行之用。多則太過。少則不及。其氣其數。有餘不足。皆能致凶。抑揚歸中。然後為福。功成者宜於退藏。將來者貴於榮振。五行稟旺。謂之成功。旺而能止息。是謂退藏。五行在冠帶胎養之地。其氣虧而未盈。是謂將來。故欲子母相生。以益其氣。則有榮進振發之道。如木非其時。衰則梗介。死則枯槁。金旺太過。則動作多凶。炎者貴乎熄。不熄則有自焚之災。溺者貴乎止。不止則有自溺之患。火行南陸而化熱。盛則焚烈而毒物。至酉亥則陰能翁之。然後能溫暖萬物。水行北陸而化寒。盛則嚴冷而殺物。至卯巳則陽能闢之。然後能滋生萬物。又有生而不生。旺而

不旺。此為凶。乃先吉也。有死而不死。絕而不絕。此為吉。乃先凶也。如水見戊申土。此生而不生。見庚子土。旺而不旺。遇此多成而反敗。因喜而反憂。如水見癸卯金。此死而不死。見辛巳金。此絕而不絕。五行氣盡。而得父母之德。以生益之。則其氣復生。遇之者危中有福。窮而通。屈而伸也。生旺太過。則福中藏禍。死絕太過。則福無可托。若夫死絕逢生。缺變能逃。火土最先。金水猶後。火絕得土曰壽。火以上為子。火絕於亥而見丁亥是也。土絕得金。死而不亡曰壽。土絕在巳而見辛金是也。金絕得水。精復繼體。金絕於寅。得甲寅火是也。水絕得木。魂復天遊。水絕於巳。得己巳木是也。木絕得

火。火出木盡。灰飛烟滅。故獨為凶。蛇馬無膽於馬足證。木絕於申。得丙申火是也。蛇馬在位。巳午木。應巳午而死。木於臟屬肝。於腑屬膽。證木死為凶也。經云。身土遇火生而漸利。命水得金年乃優長。金多須火。或從格以成名。木重得金。揉曲直而任使。水流不止。須土以擁之。火盛無依。惟水以濟之。五行用得宜。雖相尅而為福。若用失其宜。雖相生而為災。

凡五行怕太過相忤。如祿多則貧。馬多則病。印多則孤。庫多則虛。生旺多無歸宿。死絕多無激揚。五行不可太相傷。不可太純粹。貴人馬多升擢。常人馬多奔馳。破要傷禍。空有空盡。所愛者不可毀。所畏者不可旺。先畏後愛為福。先愛後畏為禍。合多不發而媚。學堂多則無成。貴人多則異懦而無立志。祿馬太顯。不可以貴人論。貴人表裏足。不可以常人論。四柱俱陽。口惡心善。四柱俱陰。狠戾沉毒。拱要拱馬拱。祿拱貴拱。福神。不要拱刑拱。禍拱。祿拱時。陰陽貴在均協。病傷要有尅制。

凡命丙辛壬癸見戊戌。則戊土當塗。刃傷折挫。壬子丙午。丙午壬子。水木粹析。陰陽粹純。餘位無助。亦非常器。加以季秀之氣。則曠世無忌。大德有容。乃丈夫也。卯酉日出入之地。子午陰陽始分之官。遇之者。令人往來不定。咸運亦然。巳亥為兩極之地。地天幹旋。寅申為三停之方。郵遞往來。如人遇之多不執一。丑未遲遲。辰戌速速。遇之令人執方。性不通變。辰戌有氣。却能建立大事。丙辛人四柱有壬寅。是壬入丙家。就破不美。庚子見庚午。是五鬼臨門。戊寅見甲寅。甲尅其戊。戊寅隨勢尅甲寅。是支干納音。上下不和。除別有福神。方為福力。癸酉見戊寅。戊土尅癸水。又金氣何絕。鄉却熱元辰居中。除得月令中秀氣。方可為用。亦久而不佳。庚午丁酉。互旺互破。乃旺中破也。不可全為福力。己未辛酉。雖得食却歸死地。終久不佳。乙丑乙未。庚辰庚戌。見戊寅大好。運亦然。經云。如得剛金。濟戊寅。欲絕不絕。成福力。乙卯見

戊寅戊寅見乙卯是大好命。丹陽書云三奇之際尚有虛聲死絕之中尤存生旺蓋三合三奇不合月分則不貴如甲戌庚有子午時方貴乙丙丁有寅卯時方貴。天元變化書云乙丙丁正愛酉亥更看納音有無交涉。又云凡三奇三合帶月令中秀氣人貴格亦不免庶出過房作贅。又云凡命見三合三奇而本年不帶在四孟生而得四仲四季月日時四仲四季同論及胎月日互換干合或六合而本命不帶皆名曰掉太歲多主離祖孤立為人不得力少救助却宜義居假合而立也貴命則多倚使而升進凡四柱帶三奇三合者本身若不是過房庶出將來子孫必有過房庶出隨母之子。古詩云三合與三奇清房更饒肥不為過房子便是隨母兒。

凡命前五辰為宅舍若遇有氣及吉神臨之主有好宅門閥崇峻子孫華顯。假令甲申人宅舍在丑十二月生得天乙臨宅為吉若居無氣及凶神臨之主其宅虛耗破壞不完祖業不守。假令庚午人宅舍在亥甲子旬亥落空亡又遇劫煞臨之為凶餘准此推命。後一辰為破宅煞若在破宅煞中主無父祖產業或客死他鄉。又看宅納音與本命納音相生則吉宅尅身得好宅身尅宅必破散。假令甲子金以巳巳木為宅二月生雖係宅旺合有好宅以身尅宅後當破落戊午火以癸亥水為宅九月生宅冠帶十月生宅建十一月生宅旺又值宅生尅身必得好宅居宅鬼旺中生者有官則吉無官則凶凡祿命雖有作旺更論其宅以辨吉凶。沈氏云宅怕犯破如甲子人以巳巳是宅如犯亥字其宅受破命元稍薄太歲衝年亦須破須是為長方可斷如丙子人得辛巳金為宅遇乙亥流年之類是也命好亦更動興作方應。

凡命後五辰為田園若居有氣之鄉又福神臨之主田園盈野倉庫充實。假令甲子人田園在未六月生土乘旺氣又逢天乙貴為吉若遇無氣之鄉又凶神臨之主田園瘠薄倉庫空虛。假令戊子人田園在癸未六月生甲申旬未落空亡餘准此例。

鬼谷遺文云

馬無害

破祿無鬼

鬼食無亡

空支合無元

元辰于合無厄

厄旺無喪

喪衰無帛

帛妻無刃

刃羊財無飛

飛孟無

孤辰

季無寡

孤辰季無寡寡體重須鬼祿重須官夫須魁妻須倍吉須顯然凶須沉昧支干太和而塞夫婦失時而凶四柱主本祿馬往來須分建破天乙扶持將德是衝更難尊卑有根而無苗實貧而尚可甘食本氣絕而花繁縱子成而味拙至若五行不得地縱有吉煞亦發不久如冬月中花耳。

納音者。天地之舞數也。驛馬學堂。居長生之位。才能官職。在旺相之鄉。文章富貴。處印庫之地。如逢衰敗。則滅三分之一。更遇死絕。則去十分之半。切忌空亡衝尅。不宜刑害吞食。故同源相成。順數為上。雖數次之。則大地舞全。基本強壯。同類相傷。

如丁未刑則支神氣散。理無復合。管輅曰。五行互旺。雖衝氣完。五行相尅。雖合氣散。此之謂也。

或問。人生有始終。功名富貴。有一旦崛起。忽然驟興。有始終剝落。而中間奮發。有半世淹蹇。而晚年成就。其何故也。

答曰。莫非命也。其始終富貴。乃柱中身主專旺。其所用吉神。或官印財食。俱各帶祿得令。不偏不黨。無刑衝尅害。出門行運。步步皆吉。故能成材。能振耀。紹前人之基業。立當代之功名。不招讒謗。不致傷害。保其終始。是命運生旺。體用俱得。故尅其一旦崛起。忽然驟興。緣柱中所用貴神。悉皆得位乘旺。又且合格。奈日主無力。不能勝任其福。所以勞困偃蹇。倏逢好運。生扶日干。得其強健。元命用神。方為我用。我因乘之。虎嘯生風。大發富貴。是偏氣乘和。良以遇旺。故迎吉而發。前後迥異。亦有日主強旺。五行煞純不雜。奈根本源無制伏。富貴不成。惟待運來制伏煞神。化為權柄。功名顯達。出類超羣。制神力旺。發福非常。所以驟興。緣貧賤而至極品。全緣行運得地方。見其興。如運不至。即常人耳。其始終奮發。而中間剝落者。乃柱中日主健旺。用神亦旺。各相力停。為富室朱門之賢子。及其長大成立。要逢好曜。若大運加臨。元命。是其財而奪之。因其官而傷之。臨其印而壞之。逢其食而梟之。遭際此遇。禍不勝言。所以盛年見傾而不發。如其惡運一去。又逢好運。扶持使用神一新。譬如枯苗得雨。勃然而興。鴻毛遇風。飄然而舉。不可禦也。若半世淹蹇。晚年成就。乃四柱身強。羊刃比肩。又各爭旺。惟財官煞神等物。虛浮輕少。無力而成功名。出門行運。又非作福之地。所以一生機寒勞苦。剝落直至晚年。倏逢好運。補起財官煞神等物。假煞為權。制伏羊刃。或得權貴而顯揚。或起資財而發福。當隨五行清濁。以其所遇之運。別之。嗟夫。窮通有命。富貴在天。孔子有是言也。豈人智力所能移易乎哉。

答曰。

凡人命中有煞為用。煞神未制。則為白屋窮途之人。或作豪門卓犖之士。要逢制伏。運假煞而興。

切不可脫制伏運。一入財鄉。財能黨煞。再遇流年財煞助旺。併力為殃。身主孤寒尅害。輕則傾家。徒流重則刑棄其身。

煞神併合。凶亡可畏。如比羊刃同論。又有柱中月令正氣官星。為一生富貴。惟逢財印。則利官星。喜財旺以主之。印旺

以護之。故令其人能行仁布德。緯國經邦。權重爵高。後煞神得位。咸煞併臨。官化為鬼。喪身必矣。不行煞運。或行官傷

運。又無印綬制之。傷官得地。貴祿遭喪。傷妻尅子。剝職生災。更遇流年黨他。必致身亡。慘惡如有高見明識。知進退存

亡之機。而保其身者。不遭非橫。亦自己惡疾而終。又有柱中所專用神。無官煞氣。惟偏正財旺。財神當道。隱隱興隆。積財聚富。但少貴耳。再看行運如何。如逢官祿旺鄉。富貴雙全。設有不辛。財神脫局。羊刃相逢。更遇流年衝合。羊刃。財神。盡喪元命。哀絕。羊刃生災。敗亡必矣。生死則以格局論。如印綬見財。行財運又兼死絕。必入黃泉。柱有比肩。庶幾有解。正官見煞。及傷官刑衝破害。歲運相併必死。正財偏財。見比肩分奪。羊刃劫財。歲運衝合。必死。傷官之格。財旺身弱。官煞重見。混雜衝刃。歲運又見必死。制則傷殘。拱祿拱貴填實。又見官煞劫亡。衝刃。歲運重見。即死。日祿歸時。刑衝破害。見七煞官星。空亡衝刃。必死。煞官太忌。歲運相併。必死。其餘諸格。並忌煞及填實。旺運併臨。必死。會諸凶神。惡煞。勾絞。元辰。亡神。劫煞。吊客。墓病。死宮。諸煞。九死一生。財官太多。身弱。元犯七煞。身輕。如丙丁日。干年月時。庚辛加酉運。或庚辛年。必死。甲乙日。干。庚辛月時。夾雜年運。見庚辛。必死。若有救則吉。無救定凶。五行神煞。金多夭折。水盛飄流。木旺則天生多癡呆。火多愚頑。太過不及。作此論。一不可拘。二須敢斷。求其生死。決定無疑。至若五行生死。如壬日生在二月。行申運。即死。生在七月。行卯運。即死。乃遇生怕死。既死怕生。造化與人事一也。須並看之。

嘗謂人之生死。年月日時。俱皆前定。姑舉一二。如定興張易金。嘉熙二年仲秋。以絕婦馬睦閣臨盆。乞靈寶泉寺當境神。夢金狗玉雞。黃牛青犬。次第而至。逮生男九淮王。則戊戌辛酉。己未甲戌八字。果應淮王雲孫璽七相公。亦占胤於江文通祠。夢始出。疲赤犬。再見肥黃狗。在路傾。及白馬立平地木左。復覩赭猪聯咬犬尾。入屋上土。公相自忖度。乃丙戌。戊戌。庚午。丁亥。年月日時。成化歲次暮秋朔後夜半。甫生子。果驗。又元文式五師。生大德丁未歲正月十七日壬午申時。至明洪武己未元旦。夢中得黃羊觸數七十有三。至斯際果逝。其子式徹籌六老。夢數白兔入內。姜沉闔懷。及順帝十一年仲春甲辰昧爽。產叔正求二者四柱。皆辛卯。后人有記云。歷周追憶古人心。仰止高山直到今。脫兔兩雙生夢兆。四重辛卯又逢陰。又白雞銀鼠應辛酉。庚子之詳。白雞在酉。值太歲不起之兆。由上數事觀之。人之生死。信前定矣哉。若君子常夢已達午厄。寅滅後見蛇入穴。得金墜馬虎嚙符。孝介經三夢。夢達達達。乙巳對局。至成化三十一年。遇是干支。登耄壽。四月望日。進宜義即秩。孫幹父亦同前夢。後復以正德四年乙巳仲夏。遂陞銜侯。又古人祈夢問子孫於土地神。得詩云。大羊父母青龍子。赤馬黃駒與白雞。孫虎曾同翁屬肖。丙隆一氣應多齊。解者以其伯子生甲辰。仲子生丙午。叔子生戊午。季子生辛酉。長孫生寅。曾孫生丙戌。推算皆驗。是一家祖父子孫。其生皆前定也。又古人

祈嗣祖廟神示詩云。左龍右虎赤同方。只怕炎猴及木羊。三十八年生死隔。風雲際會總無常。其後生死年月日時。無不符驗。古人謂飲啄莫非前定。況功名乎。況生死乎。況子孫乎。彼不知命而妄圖者。其不為鬼神所笑者幾希。

巫咸撮要

天元神趣經云

凡推人命。先詳日下興衰。變用分局。天地方成造化。貴賤明於上下。興衰盡在干支。四時中妙理窮通。

五行內榮枯自稟。是以春生甲乙。居寅卯。宜怕庚辛。夏長丙丁。乘巳午。何愁壬癸。庚辛值兌。秋分分離火難傷。壬癸逢乾。冬降分戌已。怎尅土生四季。得時而遇鬼。其傷無害。設使五行失地而逢尅。其災不愈。又若化格成象。須分衰旺相停。尤宜配合之中。要識往來去路。金絕艮北火沒乾西。木落坤南而無形。水到巽東而無位。此乃陽干皆死。遇合而以類相從。妻若潛形。但見局中而可決。陰生四正時旺者。身貴家榮。死絕衰類傷于尤。為不足。化氣入格不破。大顯貴者。十有八九。化氣失局有傷。論顯榮者百無一二。最高最貴者居旺處。三位須要相扶。至賤至貧者居衰處。四柱難尋造化。玄象在地支之中。配合在干支之內。象成旺用。皆生火土之中。四柱無傷。直列朝廷之上。支中畏懼。亦須聲譽非貧。運至衰鄉。必主災咎。化成造化。各居於衰墓絕鄉。象成穢局。遇合猶如不遇。夫行旺運。妻乃從夫。妻運扶持。夫從妻。論已身臨鬼。須明天地之中。象旺象衰。要識榮枯貴賤。身衰鬼旺。應須肢體傷殘。身旺鬼衰。定作凶徒之命。鬼身皆衰。男必飄蓬。女作師尼。伏身潛匿。自居高名。月氣相傷。此乃伏家。官鬼皆全。還齡不遂。子中破敗。乃有技藝以隨身。支乃生全。難仗六親而獨立。五行屬於其象。皆在十二支中。先分南北與東西。次看三合內。別認詳六親者。從象而推之。審富貴者。官祿而兩說。有祿盛者。鰥寡孤獨。有官鬼者。殘疾夭壽。身如顯化。自身無氣。本性全虧。假五行成象。平生窘迫。豈得祖宗之財。顯福顯盈。因犯別房父母。從象論引用為氣。化象論天地相停。從中有貴有賤。化內有富有貧。從中貴顯得時而位列朝中。化內成局運轉而成封帝側。從象良而至老驅驅。化象伏而平生碌碌。又曰。看子平之法。專論財官。以月上財官為緊要。發覺在於日時。要消詳於強弱。論財官不論格局。論格局不論財官。入格者。非富即貴。不入格。非貧即天。一格二格。非卿即相。三格四格。財官不純。非刑卒多是九流。官怕傷財。怕劫印。殺見財。愈多愈災。傷官見。必有者重。原無者輕。重者連徒。輕者刑責。年上傷官。父母不全。月上傷官。兄弟不完。日上傷官。難為妻妾。時上傷官。無傳歲月傷官。劫財。生於貧賤之家。或是庶出。日時傷官。劫財。傷損子孫。主無晚福。官煞混雜。為人好色多淫。作。

事小巧寒賤有財印者吉。無財印者凶。劫財散財。心高下賤。為人貪婪。正財月令。勤儉慳吝。柱有劫刃比肩多者。刑父母。傷妻妾。不聚財。商賈須觀落地之財。宰相須看得時正祿。七煞集重。走遍他鄉之客。傷官劫財。瞞心負賴之徒。重犯奇儀者。貴。重犯亡劫者。夭。七煞宜制。獨立為強鬼。中途官逼迫太甚。明煞合去。五行和氣。春風暗煞合來。四柱刑傷害。已煞刃無制。女多產厄。男犯刑傷。二德無破。女必賢良。男多忠孝。財官印食。定顯慈祥之德。劫傷比集。難逃寡惡之名。衝官無合。乃飄流之徒。坐馬落空。是落魄之輩。月令逢衝。過房離祖。官印遇偏。庶出孽生。干頭滅列。堪嗟伯牛之疾。時日衝刑。難免卜商之泣。六虛臨於乙亥。孟浩然徒有文章。二才會於壬辰。石季倫恣情金玉。有文無印。賈誼屈於長沙。有印無文。李斯專於上蔡。刑多者為人不義。合多者疎背皆親。合多主晦。衝多主凶。辰多好開。戌多好訟。辰戌魁罡。多凶少吉。時日空亡。難為妻子。背駝驛馬。離別鄉土。混雜官煞。奔走衣食。印綬遭傷。名利成敗。天厨逢集。食祿虧盈。傷官遇羊刃劫財。營食終日區區。主官逢七煞。剝傷求生。一世忙忙。財官招上貴之憐。煞傷慮小人之耻。官無衝破。爵祿獨顯。財少傷劫。名利俱全。官印在刑囚之地。心亂身忙。日時在鬼墓之鄉。憂多樂少。福不福。恐吉還遭傷。成不成。是格中帶煞。財官兩旺。分主持節鉞。煞刃交顯。分掌握兵權。官是扶身之本。官在長生須富貴。財為養命之源。財逢旺處足錢帛。財官印綬三吉。不可不逢。劫刃傷煞四凶。不可不畏。印臨天乙受盛世之封。財藏官庫。畜布異之寶。三奇貴人見生時。錦學信華世所稀。貴人若逢祿馬來。設使金章未為。官貴若逢財官助。重犯奇異須宰輔。不作逢來三島客。也須金殿玉階行。互祿互馬。共美黑頭公相。帶刑帶破。終為白面書生。有印無官。發不在迅速之內。有官無印。難求乎榮顯之名。財官帶印。積玉堆金。偏正逢財。倉盈庫滿。印綬錦鞍勒馬。官貴玉帶金魚。凶莫凶於羊刃。禍莫禍於傷官。運逢羊刃劫敗。財物耗散。羊刃倘同生氣。閭外持權。傷官破合。如妻害子。傷官帶刃。尅命損娘。官藏煞見。定招非橫之災。煞沒官明。當廣藩輔之柄。少樂多憂。官星又帶劫財。骨肉分離。孤鸞再遇傷煞。三刑六害衝擊者。難得崢嶸。孤辰隔角重見者。多主貧夭。享用見成。出門便行財祿。一生寂寞。行運與命分張。有官而不食祿。月上正官破傷。有財而不得享。柱中正則分奪。祿馬先逢於生月。陰德榮華。若日時再見財官。此乃遇而不遇。

又日四象之中。隱土而成。五行之內。干秀為榮。亥卯未滋榮。甲乙寅午戌聚福。丙丁壬癸喜生潤。下庚辛愛見從革。戊己忻逢四季。水潤下。今文學貴顯。土嫁稽。今富貴經商。春生甲乙。抱懷仁德之心。夏遇丙丁。買藏明辨之財。秋金兮性。

多剛毅。冬水兮智足權謀。木盛無金。雖仁不成造化。火旺木衰。縱學難得貴顯。水多遇土成堤岸之功。木盛逢金作棟梁之美。水火相停成既濟。土逢木旺為嫁穡。金火氣均。煉出鋒刃之器。五行造化皆因鬼而成功。木敗不仁而妄作。金衰寡義亦無恩。火滅無禮之輩。水濁失智之人。土遭木剋。言常失信。金鬼好殺。水盛多浮。日旺仍須自立。更詳上下吉凶。歲月相扶。因祖而發。時日相衝。妻子無功。哀墓平生孤立。生旺一時崢嶸。上下相合而無害。往來尅戰乃多憂。祿馬時尅日破。縱職位終須退剝。日旺時強聚秀。無福亦須橫發。月為傷害時得地。財運自能成立。月遇絕傷時對衝。門戶定有三遷。生逢衰地。幼歲艱難。月在旺鄉。晚年不足。時衰日秀。有始無終。月弱時強。晚年榮顯。元氣強旺。雖未達終顯功名。基本休囚。縱得地難成富貴。若夫天元羸弱。命不再甦。忽植木王休囚。貧寒無地。氣旺遭傷。雖遇險終身有救。氣敗逢生。縱得地一世無成。五行失地。休言祿馬同鄉。四柱無歸。難論財官雙美。以日尅者為妻。妻生者為子。看其生旺定其死絕。時臨旺處必多兒。時在敗鄉必絕嗣。男逢兩位之財。必須置妾。若遇合處逢祿。定挾妻榮。財鄉見合。立身倚妻。陽于上下逢合。妻多易得。合中更遇生氣。妻多賢良。四柱遞互相親。多生喜慶。五行往來相傷。皆主不義。財失地而歧路經商。身旺甚則九流術業。火聚水德相刑。為僧反覆。水逢火旺相殘。為道無終。火明木秀。幼年顯達。朝廷火炎水涸。終身求財市井。金白水清。多顯達。鬼位逢官主困窮。財下見財富而慳吝。羊刃帶煞被刑。男子身遭鞭配。財盛刑傷父母。鬼旺後代昌榮。從化忌從返本。平生哀樂無靈。丙辛化水到水鄉。位列朝廷。丁壬化木臨木位。身居宰輔。東金西木。不從化一世虛名。離壬坎丙。得位時平生顯跡。用神敗衰。帶祿不能為福。祿馬氣旺。遇貴合主顯榮。有官無馬而職微。有馬無官而身賤。四柱生旺。雖無官祿亦長年。五行敗衰。縱帶祿馬終天折。魁罡相逢德尅多遭刑獄。建祿無財刑制。定為奴婢。陽火死於墓絕。性克頑多為酷吏。陰火生於長養。人豐厚當為富豪。五行忌沐浴逢傷。四柱喜生旺制煞。有害而親姻散失。遇戰而疾病纏身。木火忌逢申酉。災病呻吟。衰金畏遇旺火。苦形悲嘆。時臨鬼地無制多貧。運至財官。無刑必發。七煞羊刃。名位大顯。正印官星。刑衝乃禍。土趨艮位。遇之則發資財。變煞為官。幼歲功名顯達。戊日午月。火多而運喜官鄉。財官敗地一世貧寒。三奇無傷。平生富貴。日雖建祿。不逢財官主孤貧。日祿歸時。不遇財甲亦難發。時上偏財。運至兄弟之位主妻災。時上羊刃。歲遇偏正之財生凶禍。正官月上旺。富貴俱全。偏官時上逢。無情有禍。財歸旺地無破。家道興隆。印綬生身無傷。門閥光采。有官無印。即非真官。有印無官。反成厚福。桃花帶合。風流儒雅之人。

五湖雲擾。餓於首陽之客。刑支合。樂變為憂。干合支刑。喜中不美。若不九流僧道。定須重拜爺娘。墓時雖氣逢局。始得顯榮。羊刃金神遇七煞。必為大貴。雙辰夾用。偏生庶出之人。寡宿孤辰。異姓同居之子。壬水騎龍逢辰多。少登天府。乙木捕鼠遇子多。早步蟾宮。日祿歸時沒官星。錦鞍綉轡。月生日干無財氣。玉帶金魚。六陰朝陽逢季月。只作鬼者。六壬趨艮逢亥月。當以貧論。格局無破無刑。名利成就。官印。有傷有損。爵位虧停。妻宮羸弱。犯劫財必損其妻。兄弟位柔。見官強必傷昆季。天元羸弱。失時難獲延年。日主高強。化鬼當膺厚福。日旺無依。離祖遷居。若不遷居。死在外地。日旺無依。損財傷妻。若不傷妻。外家冷落。正官被合。平生名利皆虛。七煞被合。處世反凶為吉。煞旺更值身衰。衣食奔走。官至又遇煞。擢行藏泊。沒財旺身強。資財疊積。假如甲辰甲戌落寅亥。金帛滿屋。丁亥丁卯到酉亥。珍寶盈室。六甲日遇庚辛。若重多必主災。侵六丙身居亥子。無制伏。定是貧儒行運。得失更當詳察。得地失時。如田疇得雨。得時失地。如輓損塗泥。得時者亦能舉擢。失地者難以升遷。故火到南方而榮。水臨北地而盛。土到東而瘠。木至西而衰。金入北而沉。旺處生而死。處滅死處生而旺。處脫歲運俱傷。日主遇之。合必虧。危氣運與禍氣傷殘。門戶與父母俱損。運神尅歲。刑訟來臨。歲尅運神。官災競起。金主刀刃刑傷。水主江河覆溺。木則懸梁自縊。虎咬龍噴。火則夜眠壓倒。毆死蛇傷。土乃墻推土陷。五行煞重。當如此詳。

又曰。有化而不化之跡。聚而不聚之機。合而不合之類。秀而不秀之實。化而不化。損於貴。聚而不聚。損於財。合而不合。損於官。秀而不秀。損於福。又有不化而化之因。不聚而聚之機。不合而合之理。不秀而秀之用。不化而化者。定居權貴。不聚而聚者。終於富足。不合而合者。必遷高職。不秀而秀者。須享祿位。定四時有旺無旺。察五行有氣無氣。隨物而變。物因類而求類。五行俱要中和。一物不可偏枯。水不勝火。火不勝金。金不勝木。木不勝土。土不勝水。三平見丙。錢財破散。二壬見丁。家道興隆。有秀而無官者。但施巧於技藝。見財而無托者。惟遠志於經商。甲居從革之方。風災困苦。金城潤下之處。浮梗他鄉。俱旺則從之所使。俱衰則變為他物。一鬼不能勝兩官。一祿不能勝兩鬼。五行落在本鄉。不貴則富。四柱臨於破地。非賤則貧。生旺為主。德秀為奇。身坐學堂。文藝清高之客。命臨鬼禍。徒流盜賊之人。祿內隱刑。定操兵戟於戎位。秀中見尅。必主棄職於公門。鬼休母旺。錢財奴馬多招。鬼旺母衰。父母兄弟分散。官印兩全。秉旌旄而居武職。叔秀全備。應科甲而入文銓。藏暗祿者。官居極品。遇真官者。祿位非常。十干臨死絕病衰。賤居塵市。五行在三奇。

庫墓榮列縉紳兩位鬼鄉逢倒食。必為奴婢一氣有歸遇墓月。定主孤窮。勾陳得位居辰巳。貴列三台。玄武當權逢亥子。官封一品。癸見庚申居右職。辛逢戊子中高科。陰水遇秀。失地者身為僧道。湯火無歸。遇水兮定作凶徒。金到火鄉。財多聚散。旺木入南家道盈昌。庚居三冬。水冷金寒。得火相扶。莫作等閒。破祿則亡。氣絕則病。時臨鬼位。更逢衝傷。危不誣臨官。復加衰敗。地死絕無疑。最貴者官星為命。財得偏正為福。最凶者七煞臨身。天赦二德為祥。官星如遇此劫。雖官無貴。七煞若逢滋助。其煞愈凶。三合六合。歲運合而必榮。七官八官。月建官而為喜。四合四刑。刑合當明。邪正七衝八擊。衝擊喜得會藏。夾貴夾印為暗會。財庫官庫要明衝。官星在生旺之方。逢則何須發見。印綬藏孟仲之下。見而不用。露刑印綬得財為貴。財元喜傷官為奇。傷官若見印綬。貴不可言。歸祿若遇食傷。福無限妙。年日互有陰陽二刃。刑法重犯。官煞混逢。天月二德。祿位高遷。飛刃伏刃。會刃多凶。傷官剝官。見官為禍。羊刃若逢印綬。雖貴而殘疾在身。七煞無制。逢官為禍。而壽元不久。三偏三正。遇三奇。貴居一品之尊。四旺四生。全四柱。福在衆人之上。煞化為印。早擢巍科。財旺生官。少受貽澤。官煞同來。要知扶官扶煞。偏正相會。須知合正合偏。歸祿月逢羊刃。世事不明。金神運到水鄉。身屍分折。暗中藏煞。須明月下用神。見處無財。必受空中禍害。羊刃更兼會合。千里徒流。用則若遇劫奪。一生貧窘。人生前定。窮達已分。須要識其消長。亦當究其始條。當詳流運之源。要察行年之位。身弱如逢七煞。運到制伏。必傾身旺。若逢福輕。運到衰敗。必死。太歲與命不和。有災有病。四柱與歲相生。無禍無殃。身弱徒然入格。雖發早亡。禍輕若遇休囚。必然傾天。是以用神不可妄求。形迹自然發見。有福則當用彼。無時必是用身。禍害在於五門。福榮存於運氣。福厚人所共同。如或傷原終困。

又日絕不能取生下之財。衰不能敵旺中之鬼。逆制無情。順生可救。主無而本有。可救一半。日時俱逢二德。百事無凶。更值財官。定主豪富。主本有力。鬼可為官。本主無氣。官來作鬼。刑衝之法。仔細推詳。有刑出刑入。刑吉刑凶。有衝動衝不動。衝合衝不合之辨。于衰必定動搖。來合有情。方為富貴。雖氣藏畜。要定誰先誰後。提綱專用。須分氣淺氣深。一陽來復。水火用而本藏一陰如生。火土盛而金伏。將來者進。遇之有功。成功者退。得之何益。月建財官印綬。時作分野。歸元或補其不足。或抑其太過。造化中和為吉。

又日三元定命。先詳四柱。有無五行成格。次論命運強弱。如身弱財旺。須假身強之鄉。若身旺祿衰。却喜祿生之地。印